



Broj:04-GV-02-604/19

Datum: 15.05.2019. godine

ZAPISNIK
O RADU 27. SJEDNICE KOMISIJE ZA SPOMENIKE
GRADSKOG VIJEĆA GRADA SARAJEVA
ODRŽANE 15.05.2019. GODINE

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Nedim Dizdarević, član
5. Pavle Krstić, član
6. Lana Velić, članica
7. Jasmin Smječanin, član

Sjednici prisustvovala iz Gradske službe za Gradsko vijeće:

- Zinaida Beširević, šef Odsjeka za stručne poslove

Sjednici prisustvovao:

- Tarik Zečić, viši stručni saradnik u Gradskoj službi za urbano planiranje, investicije, stambene i komunalne poslove

Predsjedavajući je otvorio 27. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i usvajanjem, većinom glasova, sa pet glasova „za“ i jednim „suzdržanim“ glasom člana, koji nije prisustvovao na prethodnoj sjednici Komisije, Zapisnika o radu 26. sjednice Komisije za spomenike održane 10.04.2019. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Prijedlog Odluke o provođenju Elaborata o mogućim lokacijama za postavljanje spomenika, spomen - obilježja i spomen - ploča na području Grada Sarajeva, a koji su od interesa za Grad Sarajevo
2. Izvještaj o provođenju Odluke o spomenicima od značaja za Grad Sarajevo za 2018. godinu
3. Tekuća pitanja



TAČKA 1.

Prijedlog Odluke o provođenju Elaborata o mogućim lokacijama za postavljanje spomenika, spomen - obilježja i spomen - ploča na području Grada Sarajeva, a koji su od interesa za Grad Sarajevo

Uvodne napomene je dao predsjedavajući Komisije za spomenike.

Uvodno izlaganje je dao predstavnik Predlagača.

Poslije uvodnog izlaganja, rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike sugeriše Gradskom vijeću da razmatra Odluku o provođenju Elaborata o mogućim lokacijama za postavljanje spomenika, spomen - obilježja i spomen - ploča na području Grada Sarajeva, a koji su od interesa za Grad Sarajevo kako je predložena, uz uvažavanje sljedećeg **zaključka**:

Komisija za spomenike traži od Gradonačelnika da se član 12. stav 3. i stav 4. Prijedloga Odluke o provođenju Elaborata o mogućim lokacijama za postavljanje spomenika, spomen - obilježja i spomen - ploča na području Grada Sarajeva, a koji su od interesa za Grad Sarajevo dopune, tako da glase:

„(3) Gradonačelnik Grada Sarajeva formira konkursnu komisiju koju čine predstavnik podnosioca inicijative, pomoćnik gradonačelnika Grada Sarajeva koji rukovodi nadležnom službom za upravu, **predstavnik Komisije za spomenike Gradskog vijeća Grada Sarajeva**, te ovisno o vrsti spomenika, predstavnici Akademije likovnih umjetnosti ili udruženja ULUBIH i ULUPUBIH, Arhitektonskog fakulteta u Sarajevu ili Asocijacije arhitekata BiH, Zavoda za zaštitu kulturno-historijskog i prirodnog nasljeđa Kantona Sarajevo, Zavoda za planiranje razvoja Kantona Sarajevo, predstavnici institucija i/ili pojedinaca relevantnih za tematiku spomenika.

(4) Rješenjem o formiranju konkursne komisije imenuju se članovi komisije, utvrđuje djelokrug komisije, uz obavezu donošenja poslovnika o radu komisije, te se utvrđuje visina naknade za rad članovima komisije, tako da pravo na naknadu ostvaruju svi članovi komisije, osim predstavnika Grada Sarajeva, **predstavnika Komisije za spomenike Gradskog vijeća Grada Sarajeva** i predstavnika podnosioca inicijative.“

TAČKA 2.

Izvještaj o provođenju Odluke o spomenicima od značaja za Grad Sarajevo za 2018. godinu

Uvodne napomene je dao predsjedavajući Komisije za spomenike.

Poslije rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike sugeriše Gradskom vijeću da razmatra Izvještaj o provođenju Odluke o spomenicima od značaja za Grad Sarajevo za 2018. godinu kako je predložen, uz sljedeću konstataciju:

Komisija za spomenike očekuje veći angažman Gradonačelnika na realizaciji već pokrenutih inicijativa za podizanje spomenika sa posebnim naglaskom na inicijative koje su postale inicijative Gradskog vijeća, a za koje je Komisija za spomenike utvrdila da su od značaja za Grad Sarajevo.

TAČKA 3.

Tekuća pitanja

Pod ovom tačkom dnevnog reda nije bilo zaključaka.

ZAPISNIČAR

Zinaida Beširević

PREDSJEDAVALAČI KOMISIJE

Enes Husejnović, s.r.